

# 100 peserta jayakan Putra Bakti@Dance Connect



PROGRAM Putra Bakti@Dance Connect UPMKB yang diadakan di sebuah pusat beli-belah di Bintulu mendapat sambutan menggalakkan dengan jumlah penyertaan yang ramai.

**BINTULU:** Lebih 100 peserta hadir menjayakan program Putra Bakti@Dance Connect Universiti Putra Malaysia (UPMKB) di sebuah pusat beli-belah di sini, baru-baru ini.

Program anjuran pelajar Kursus Seni Tari Melayu itu diadakan dengan kerjasama Majestic Shades Dancer, Dayak Creative Moves dan MRC Entreupintar.

Pengarah Program, Cliff Dani Elson berkata, program bengkel koreografi tersebut bertujuan

untuk memelihara budaya tari di Bintulu sekali gus menjadi salah satu platform dan inisiatif dalam memastikan keunikan tarian tradisional serta warisan budaya terus lestari.

"Antara aktiviti yang djalankan adalah bengkel koreografi dengan kerjasama Majestic Shades Dancer Bintulu dan pertandingan memperagakan kostum kreatif pelajar daripada MRC Entreupintar School," katanya.

Pada program itu, para peserta

berpeluang untuk belajar tarian ngajat dan kancet Orang Ulu yang dikendalikan oleh pembimbing daripada Majestic Shades Dancer Bintulu.

Turut ditampilkan juga kostum-kostum 'halloween' yang dipergunakan oleh pelajar cilik MRC Entreupintar.

"Penganjuran dua program ini dapat mencungkil bakat kanak-kanak dan memberi mereka pengalaman baharu yang dapat dijadikan pengajaran dalam hidup," ujar Cliff.